



[www.BibleForChildren.org](http://www.BibleForChildren.org)


# Gina Ngü 1




Ta gügü, te enga gina, Me  
o tö ake kpi me-ye.




Ta gbü sikipi la, ngu ngbü ka-ye  
fuh kotö ne bü faaa. FÜ sÜ  
angbü 'duwa mbirri. FÜ \*Nzila  
Wazi Me akoro angbü endoro  
fuh ngu la, da emere tima.



Fü Me ayia amala ngü, gü ba dene, "Sü lofo elofo." Fü  
sü ayia alofo 'duwa raaa! Fü Me aceka sü te elofo la.  
Fü ngü la areke gbü jijia na afa sü. Fü ah aye süka  
malofu sü ake mbiri sü.




Fü ah agü iri sü malofo la, gü ba, "ra-sü". Fü ah agü iri  
mbiri sü la, gü ba, "biti". Dela tima ta te Me mere gbü  
gina sikpi.




Gbü e'ba'basu sikpi, fü Me ayia amala ngü, gü ba dene, "Kpi koro ekoro etü ngu la, de ah ye süsüka na, de gara ngbü kpa tikpi, de gara ngbü kötö." Fü Me ayia agü iri e la, gü ba, "kokpi". Dela tima ta te Me mere gbü e'ba'basu sikpi.




Gbü e babata sikpi, fü Me ayia amala ngü, gü ba, "Ah le de ngu, te ngbü faaa ne, biti te-ye ebiti, 'buru gbü sü biringbö, de ngu ngbü gbü sü ka-ye kpikpi ye, de tö ngbü nda-ye kpah gbü sü ka-ye kpah kpikpi ye." Fü e la ayia amere te-ye kpah bala.




Fü Me agü iri ngu, te biti te-ye la, gü ba, “\*mere  
yi-ngu”. Fü ah agü iri sü, de te ngu ürü tete na, gü  
ba, “tö”. Fü Me aceka ngü de te engu mere ne. Fü  
ngü la areke gbü jijia na fa sü.




Fü Me ayia amala ngü, gü ba, "Wü jürü e, baka wü gü,  
wü rü de wü kpü, kö ekö füh kotö ne, de wüh ga, wüh  
ri, de nguwa ewü di ekö, da eri fi bala  
füh kotö sene." Fü wü e la  
akpo kpah da ekö, da eri  
te nga ewü bala, baka  
te Me mala.




Fü Me aceka ngü de te engu mere la. Fü ngü la areke  
gbü jijia na afa sü. Dela 'buru tima ta te Me mere gbü  
ebabata sikpi.




“Fü ewü adi kpah elofö sü füh kotö 'buru.” Te di bala,  
fü Me ayia ao ra ake fe, de wü küfara.  
Fü ra angbü nda-ye miri ka ra-sü.  
Fü fe angbü nda-ye miri ka biti.  
Dela tima ta te Me mere gbü ebabala  
sikpi.




Gbü e'bu'buruve sikpi, fü  
Me ayia amala ngü, gü  
ba dene, "Wü si, wü  
angbe cögbörö nü ngu,  
de wü gara jürü e, te ewü  
endoro gbü ngu  
'buru, koro ekoro, de wüh  
sibi esibi gbü ngu la." Fü  
ngü la amere te-ye kpah  
bala. Fü Me adu kpah  
amala ngü, gü ba dene,  
"Wü lu, de wü gara e, te  
ewü endoro tikpi 'buru,  
koro ekoro."



Fü ngü la amere te-ye  
kpah bala. Fü Me aceka  
wü ngü de te engu mere  
la. Fü ngü la areke gbü  
jijia na afa sü. Dela 'buru  
tima ta te Me mere gbü  
e'bu'buruve sikpi.




Gbü s'ikpi ma'diya, fü Me ayia amala ngü, gü ba dene,  
“Wü nü ka gü, de wü nü ka köti, bete wü gara jürü wü  
e te ewü endoro andoro füh kotö ne, koro ekoro te nga  
nzö nguwa ewü 'buru.” Fü e la ayia amere te-ye kpah  
bala. Fü Me aceka ngü, de te engu mere la. Fü ngü la  
areke gbü jijia na afa sü.




Fütanga ngü la, fü Me ayia amala ngü, gü ba dene,  
“Ani mere la kpara, de ah ngbü gegege baka ani. FÜ  
ani ato wazi fefe, teka de ah ngbü miri gbü nzö wü  
gara wü e, de te ani mere, baka wü nü de wü lu, de  
wü si ne 'buru.” FÜ Me ayia  
aceka ngü de te engu mere  
la 'buru, gü ba, “Ah reke  
'duwa ba-neh-ene-la.”  
Dela 'buru tima ta te  
Me mere gbü sikpi  
ma'diya.



Fü Me adu aza komoko, de te engu mere la, ao engu agbü yi ka-ye la, de ah di eceka kpi fütanganga na.



Fü ah agü iri komoko  
la gü ba, Adama. Fü  
ah ato riri fefe na, gü  
ba dene, "Wü ri-rü de  
gbü yi ne, mü ena azü  
azü 'buru. Amba 'duwa  
mene engu de biringbö  
ka talara ngü ne, mü  
mere e azü de, angü  
mü ena akpi."



Fü Me ayia aza wü nü, de wü lu, ta te  
engu mere ne, anü di fü Adama, de  
engu gü iri ewü. Fü Adama agü iri gbü  
nzö wü nü la biri biri 'buru. Fü iri la  
angbü 'duwa bala. Fü Adama angbü  
egiri kiri ye, kpara te ani ena angbü  
ake di. Ah gü ba dene, "Esüka wü nü  
ne 'buru, ni maka kiri ni nda-ni de."



Fü Me ayia ato mere ra gbü jia Adama. Te Adama ngbü era tete na, fü Me akoro aü babaga na, aza gara biki sasajikara na biringbö, amere wüäuse gbügbü na. Fü ah adu ani sü, te engu ü la, alügü yere te nga ye. Fü ah ayia aza wüäuse la, ato fü Adama, amala ngü fefe, gü ba, "Wara mü dene."



Dela si-ngü te komoko ngbü eyia ece  
wö ye ake ni ye, aza wara ye, alala  
tete na. Fü ewü adu angbü ake di tîne  
ba kpara biringbö ne.



Angü Me le ngü ka wü kpara füh kotö  
ne fa sü, fü ah ayia atima biri Ye ye  
biringbö, teka aküwa nih. Te di bala,  
te mü to maguma mü fü Yesu la, mü  
tî akpi fi de. Mü ena aküwa ka-mü  
aküwa fi badi.



1



60



Rüma 3:23 angü a ngbü kpah emere \*siti ngü baka gara wü kpara füh kotö ne 'buru. Angü züka kpara biringbö, te di mbi gbü jia Me, nda ma.

Rüma 6:23 Mene kpara te ngbü fi bü emere siti ngü, gara takpa te wüh ena ato fefe nda ma. Ah ena akpi, fü ewü aza engu agü agbü wa, fi mere badi. Amba, mene kpara te to maguma ye eyi fü Miri ka-nih Yesu Kurisito la, Me ena ato mere züka ngü fefe, teka \*züka maguma ye. Fü engu aküwa fi mere badi.

Ebere 9:27 De-nih, wü kpara ka kotö ne, nih ngbü ekpi neh du fe? Nih ngbü ekpi ngbee du biringbö. Sidi nga kpi la, fü nih adu akoro arü engagira Me, teka fü Me akolo ngü ka-nih.



Efeso 2:8,9 Angü Me küwa yi 'duwa bü nzö teka züka maguma ka-ye. Ah küwa yi bala, teka te yi to maguma yi fü Yesu. Mü ti aküwa te-mü de tete-mü nda-mü de. \*Küküwa la, ah de takpa ka Me, te to fü nih kükürü, teka züka maguma ka-ye. Yi efi nda-yi, gü ba, "Me küwa ani ne, neh teka züka wü tima ka-ani, de te ani ngbü emere ne?" A'a! Ah bala de. Ah küwa yi ka-ye bü duu teka züka maguma ka-ye. Te di bala, yi mere e adi egbo nga yi de.

Rüma 10:9,10 Si-ngü gbü ngü la, gü neh fe? Si-ngü gbü ngü la ena adi bane. Te mü to maguma mü eyi fü Yesu, fü mü amala mbölö, gü ba, "Yesu Kurisito de Miri ka-ni," fü mü ale kpah, gü ba, "Me zükü engu eyi gbü kpi fanü fanü la," mü ena aküwa ka-mü aküwa. Angü, te nih to maguma nih eyi 'buru 'buru fü Yesu la, ngü ka-nih ena areke gbü jia Me. Kpah bala, te nih mala ngü ka Yesu mbölö, gü ba, "Nih to maguma nih eyi fefe la," nih ena amaka \*küküwa.



Yüwane 3:16,17 Angü Me le ngü ka wü kpara füh kotö ne fa sü, fü ah ayia atima biri Ye ye biringbö, teka aküwa nih. Te di bala, te mü to maguma mü fü Yesu la, mü ti akpi fi de. Mü ena aküwa ka-mü aküwa fi badi. Me tima Ye ye füh kotö ne, neh teka ne? Teka ato kuru te wü kpara? Ah bala de. Me tima Ye ye teka aküwa wü kpara füh kotö ne 'buru.

1 Yüwane 5:11-13 Dela wü ngü de te gü tamu ngü fü nih, gü ba, Yesu de Ye Me fanü fanü. Te di bala, Me küwa nih eyi fi mere badi, teka ngü ka Yesu. Angü, te mü to maguma mü fü Ye Me la, mü küwa eyi fi mere badi. Amba, te mü le ngü kaka de la, mü ti aküwa nda-mü kpah de! Wü di enga ra, dela wü ngü de te ma ba eyi fü yi bala, teka fü yi awu, gü ba, te mü le ngü ka Yesu Kurisito, Ye Me, de maguma mü la, mü küwa eyi fanü fanü, fi mere badi.



Gina Ngü 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Mundu Bible (muh) © 2005, Wycliffe Bible Translators, Inc.  
All rights reserved.

<https://live.bible.is/bible/MUHWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

